

**ԴՎԻՆԻ ՎԱՂՄԻՋՆԱԴԱՐՑԱՆ ՄՈՆՈԻՄԵՆՏԱԿ ԺԱՐՏԱՐԱՊԵՏՈՒԹՅԱՆ
ԺԱՄԱՆԱԿԱԳՐՈՒԹՅԱՆ ՈՐՈՇ ՀԱՐՑԵՐ**

Ա. Ա. ՔԱԼԱՆԹԱՐՅԱՆ, Կ. Կ. ՂԱՅԱԴԱՐՅԱՆ

Հայկական վաղմիջնադարյան ճարտարապետության ուսումնասիրության գործում առանձնահատուկ նշանակություն են ձեռք բերում Դվինի պաշտամունքային և աշխարհիկ մոնումենտալ կառույցները: Դվինը Հայաստանի վարչական, տնտեսական և մշակութային խոշոր կենտրոններից էր, միջնադարյան հայ ճարտարապետության ձևավորման կարևորագույն օջախներից մեկը: Այս առումով առաջնահերթ խնդիր է պարզել և որոշակի հստակություն մտցնել քաղաքի ճարտարապետական հուշարձանների թվագրության հարցերում, որին մեծապես նպաստում է շինությունների հնագիտական մանրադնին քննությունը՝ գրավոր աղբյուրների ալյալների համադրությամբ:

Դվինի ճարտարապետական մոնումենտալ հուշարձանները բավականին լավ են ուսումնասիրված, և գիտական լայն շրջանառության մեջ են մտցրել Կարո Ղաֆադարյանը, Վարազդատ Հարությունյանը, Նիկոլայ Տոկարսկին և այլք: Սակայն հուշարձանների թվագրման վերաբերյալ դեռևս կան չբացահայտված հարցեր, որոնք աստիճանաբար լրացվում են քաղաքի հնագիտական նոր ուսումնասիրություններին զուգահեռ: Մեր նպատակից դուրս է տալ Դվինի ողջ ճարտարապետության վերլուծությունը և գնահատականը, որը կատարել են նախորդ ուսումնասիրողները: Ներկայացված հոդվածով աշխատել ենք նոր նյութերի հիման վրա որոշ ժամանակագրական ճշտումներ կատարել Դվինի կարևորագույն հուշարձանների՝ Կաթողիկե տաճարի ու միանավ եկեղեցու և պալատական երեք շինությունների վերաբերյալ:

Դվինի Կաթողիկե եկեղեցին վաղ միջնադարյան այն բացառիկ հուշարձաններից է, որտեղ նկատվում են հատակագծային և ծավալատարածական բոլոր փոփոխությունները՝ կատարված նրա գոյության ողջ ընթացքում: Իր նախնական տեսքով այն մի հսկա եռանավ բազիլիկ է՝ ամենամեծը նմանատիպ կառույցների մեջ (աղ. I, 1): Դվինի եռանավ տաճարը կառուցվել է ըստ երևույթին IV դարի երկրորդ կեսին կամ V դարի սկզբներին և հասակակից է Երեբունի, Տեկորի, Քասաղի բազիլիկներին: Այդ կառույցի հեթանոսական տաճար լինելու մասին ենթադրությունը² առայժմ չի հաստատվում: Ավելին՝ շերտագրական մանրադնին քննությունը ցույց է տալիս, որ տաճարը կառուցվել է IV դարի 30-ական թթ.՝ քաղաքի հիմնադրումից հետո: Ծռանավ բազիլիկը շարված է սպիտակ ավազաքարով, որի տաշվածքից առաջացած թափոնը լցվել է եկեղեցու շրջակայքը: Անմիջապես այդ շերտի տակ բացվում են հելլենիստական շրջանի դամբարանադաշտը և բնակավայրի մնացորդները³, որը ավերվել է մ. թ. 59 թ. Կորրուզոնի արշավանքների

1 Կ. Ղաֆադարյան. Դվին քաղաքը և նրա պեղումները. 1, Երևան, 1952, II, Երևան, 1982; Վ. Հարությունյան. Դվինի V—VII դդ. ճարտարապետական հուշարձանները. Երևան, 1950; Н. М. Токарский. Архитектура Армении IV—XIV вв. Ереван, 1961; О. Х. Халпахчьян. Гражданское зодчество Армении. М., 1971 և ուրիշներ:

2 Թորոս Բորամանյան. Նյութեր հայկական ճարտարապետության պատմության. Ա, Երևան, 1942, էջ 214; Կ. Ղաֆադարյան. Նշվ. աշխ., I, էջ 90—95:

3 Г. Г. Кочарян. Дзвин в античную эпоху. Автореф. канд. дисс. Ереван, 1984, с. 6—7.

ժամանակ: Հետևաբար, Դվինի միջնաբերդում և նրան հարող տարածքում մոտ երեք դար բնակություն չի եղել: Այսպիսով, եկեղեցին չէր կարող կառուցվել հեթանոսական մեհյանի տեղում, որի մնացորդները իսպառ բացակայում են:

Դվինի բազիլիկ տաճարը սկզբնապես ունեցել է փայտե ծածկ: Դրասխանակերտցու վկայությունը այն մասին, որ նախկին եկեղեցին շինված է եղել աղյուսով և փայտով («...զի յառաջ յաղիւսոյ և ի փայտէ կազմեալ է նա...»⁴), խիստ կասկածելի է. թերևս դա վերաբերում է միայն փայտե ծածկին, որի առկայությունը Հայաստանի վաղ քրիստոնեական կառույցներում ակնհայտ է⁵: Տաճարի պահպանության ներկա վիճակով դժվար է որոշել, թե երբ է փայտե ծածկը փոխարինվել քարաշեն թաղով: Անհավանական չէ, որ 470-ական թթ. թաղակապ ծածկն արդեն գոյություն է ունեցել:

Պետք է ասել, որ Դվինի բազիլիկ տաճարի կառուցմանը ժամանակակից պատմիչները, ընդհանրապես, չունեն ոչ մի վկայություն նրա վերաբերյալ, իսկ հետագա հեղինակների մոտ կան շատ սուղ հիշատակություններ տաճարի կառուցման մասին՝ կապված Դվինում կրակապաշտական ատուղանի հիմնադրման և այն վարդան Մամիկոնյանի կողմից ավերելու և տեղում եկեղեցի կառուցելու փաստի հետ: Այդ վկայությունները ժամանակավրեպ են և հավանաբար շփոթություն կա նաև պատմական անձնավորությունների ներկայացման մեջ⁶: Դվինում ատուղան կառուցելու և եկեղեցի քանդելու փաստը հաստատ արձանագրված է 572 թ. ապստամբության ժամանակ⁸: Անհավանական է, որ 450-ական թթ., երբ երկիրը օրհասական պայքար էր մղում պարսկական նվաճողների դեմ, որոնք բարոյական և ֆիզիկական բնաջնջման եզրին էին կանգնեցրել երկիրը, հիմք դրվեր մի այդպիսի մեծ կառույցի:

485 թ., երբ Հայաստանի մարզպան է կարգվում Վահան Մամիկոնյանը, Ղազար Փարպեցու վկայությամբ, որն ականատես էր այդ արարողությանը, Դվինի կաթողիկե եկեղեցին արդեն ուներ արտաքին սյունասրահ («...լնուին արտաքոյ սրահք եկեղեցւոյն...»)⁹: Արդ, երբ կարող էին կատարվել այդ մեծ փոփոխությունները, որոնք նկատելի են եռանավ տաճարի հատակագծում: Դա կարող էր տեղի ունենալ միայն այն ժամանակ, երբ երկիրը պարում էր համեմատաբար խաղաղ շրջան, և, մյուս կողմից, վաղարշապատից Դվին էր տեղափոխվել հոգևոր կենտրոնը, այսինքն՝ V դարի 60—70-ական թթ.: Այս շրջանում է, որ տեղի է ունենում բազիլիկ տաճարի առաջին հիմնական վերակառուցումը: Այս պատկերը հստակորեն բացահայտվել

4 Ա. Ա. Քալանթարյան. Դվինի նյութական մշակույթը IV—VIII դդ., Երևան, 1970, էջ 10:

5 Յովհաննու կաթողիկոսի Դրասխանակերտեցույ Պատմութիւն Հայոց. Թիֆլիս, 1912, էջ 71:

6 Ակնարկ հայ ճարտարապետության պատմության. Երևան, 1964, էջ 94: Н. М. Токарев. Указ. соч., с. 73.

7 Դրասխանակերտցի, էջ 59: Թովմայի Վարդապետի Արժրունույ Պատմութիւն տանն Արժրունեաց. Թիֆլիս, 1917, էջ 136—138: Մեծին Վարդանայ Բարձրեղացույ Պատմութիւն Տիեզերական, ի լոյս ընծայեաց Մկրտիչ էմին. Մոսկվա, 1861, էջ 65:

8 Պատմութիւն Սերէոսի, աշխատասիրութեամբ Գ. Վ. Արդարեանի. Երևան, 1979, էջ 67: Ժամանակագրութիւն տեառն Միքայելի Ասորույ Պատրիարքի. Երուսաղեմ, 1871, էջ 260, 264: Մեհյանի կառուցման և ապստամբության մասին վկայում են նաև Հովհան Եփեսացին (տե՛ս Ասորական աղբյուրներ. Երևան, 1976, էջ 388—389) և IX դարի վրաց պատմիչ Արսեն Սափարացին (տե՛ս Լ. Մելիքսեթ-Քեկ. Վրաց աղբյուրները Հայաստանի և հայերի մասին. հ. Ա, Երևան, 1934, էջ 41—42):


9 Ղազարայ Փարպեցույ Պատմութիւն Հայոց. Թիֆլիս, 1904, էջ 178:

է 1946—1951 թթ. պեղումների ժամանակ¹⁰։ Ծռանավ բազիլիկը կրել է հետևյալ փոփոխությունները (աղ. I, 2)։

1. Հյուսիսային, հարավային և արևմտյան կողմերից կառուցվել է արտաքին սյունասարհ։

2. Ավագ խորանի հարավային և հյուսիսային կողմերից կառուցվել են ավանդատներ։

3. Փոքր շտիով բարձրացվել է հատակը և զարդարվել խճանկարով։



Աղ. 1

Բացառված չէ, որ վերանորոգվել է նաև կղմինդրե ծածկը, որի մնացորդները գտնվել են նույն ժամանակ հիմնադրված կաթոլիկոսական պալատի հատակի տակ, և այլ հատվածներ։

Ավարտուն այս տեսքով տաճարը կանգուն էր մինչև 572 թ., երբ պարսիկները այն քանդեցին¹¹։ Եի պատասխան հայ ապստամբների գործողու-

¹⁰ Կ. Ղ ա ֆ ա ղ ա ռ յ ա ն. նշվ. աշխ., I, էջ 97—98։

¹¹ Ս ի Ր Ե Ս, էջ 68։

թյուններին: VII դարի սկզբներին, Սմբատ մարզպանի օրոք, ձեռնարկվում է Կաթողիկե եկեղեցու երկրորդ հիմնովին վերանորոգությունը (ա...և ինքն արկան է հիմն եկեղեցույն սրբոյ կոփածոյ քարամբք գեղեցկադիր շինուածիւ՝ կրով ձուլեալ ի մի...»¹², «Ապա սկսան արկանել հիմն եկեղեցույ...»¹³, որի ժամանակ տաճարը հատակագծում մեծ փոփոխություններ է կրում և վերածվում է խաչաձև հատակագծով կենտրոնազմբեթ եկեղեցու (աղ. I, 3): Արևելյան կողմից բավական կրճատվում է եկեղեցու երկարությունը, կառուցվում է նոր ավագ խորան կողմնային ավանդատներով: Վերանում է տաճարի արտաքին սյունասրահը, որի փոխարեն հարավային և հյուսիսային կողմերում կառուցվում են ելուստավորված կողմնային աբսիդներ, կառուցվում է շորս հաստահեղույս մույթերի վրա հենվող մեծ զմբեթ: Բարձրացվում է հատակը, որն իր տակ է վերցնում հին խճանկարը: 1907 թ. Խ. Դադյանի պեղումների ժամանակ ավագ խորանի հյուսիսային ավանդատն մեջ բացվում է մի նոր խճանկար՝ Տիրամոր պատկերով, որն անշուշտ VII դարի ստեղծագործություն է¹⁴: Վերակառուցվում է նաև եկեղեցու կղմինդրապատ ծածկը: Եկեղեցու վերականգնման ժամանակ սպիտակ ավազաքարին փոխարինում է տուֆը: Ողջ եկեղեցին արտաքուստ հարուստ հարդարվում է և գոտկվում արձանազրույթամբ, որի առանձին հատվածները գտնվել են պեղումների ժամանակ: Եկեղեցին ունեցել է մեծ ջահեր, որոնց ապակե դամբարների հարյուրավոր բեկորներ գտնվել են շրջակա տարածքում¹⁵:

Կաթողիկե եկեղեցու այս վերջին նորոգության ժամանակաշրջանը շատ որոշակի է և փաստարկված է պատմիչների վկայություններով: Այն ընդգրկում է 607/8—618/19 թթ.¹⁶:

Դվինի Կաթողիկե եկեղեցու վերաբերյալ վերջին վկայությունը կապվում է 894 թ. երկրաշարժի հետ, որը մեծ ավերածություններ է կատարում Արարատյան դաշտում, հատկապես՝ Դվինում: Եկեղեցին երկրաշարժից հիմնովին ավերվում է և այլևս չի վերականգնվում:

Դվինի մյուս հիշարժան պաշտամունքային հուշարձանը միանավ եկեղեցին է, որը գտնվում է Կաթողիկեի հյուսիսային կողմում (աղ. I, 4): Վերջինս հաստահեղույս պատերով թաղածածկ մի շինություն է (24,5×10,65×1,9—2,2մ), թաղակիր երեք կամարով, որոնց համապատասխան պահպանվել են երեք զույգ որմնամույթեր: Աբսիդի հյուսիսային մասում բացվել են ավանդատան հետքեր: Միանավ եկեղեցին իր հատակագծով և կոնստրուկտիվ առանձնահատկություններով Հայաստանի նման կառույցների դասական օրինակներից է: Այն բազմիցս ներկայացվել է հրատարակություններում և նրա ճարտարապետական ձևերի վերաբերյալ մասնագետների շրջանում ոչ մի տարաձայնություն չկա: Սակայն հուշարձանի թվագրության հարցում ուսումնասիրողների կարծիքները բաժանվում են: Նրանց մի մասը միանալ է եկեղեցու հիմնադրումը կապում են Յիզտրուզիտի մարտիրոսության հետ, և այն վերագրում են 554—555 թթ.¹⁷: Այս թվագրումը կապվում է Հովհ. Դրասխանակերտցու հետաքրքիր մի վկայության հետ, որի համաձայն Յիզտրուզիտի մարմինը «...եղին մերձ ի տուբ եկեղեցին կաթողիկոսաւոյնի յարեւելից կողմանէ, շինեալ ի վերայ վկայարան սուրբ կոփածոյ քարամբք»¹⁸:

¹² Դրասխանակերտցի, էջ 71:

¹³ Սեբեոս, էջ 100:

¹⁴ Ա. Քալանթարյան. Դվինի նյութական մշակույթը..., աղ. XLII:

¹⁵ Հ. Մ. Ջանիոլագյան. Դվինի միջնադարյան ապակին IX—VIII դդ. Երևան, 1974, էջ 16, աղ. X—XI: Ա. Ա. Քալանթարյան. Դվին, I. Երևան, 1976, էջ 102—104:

¹⁶ Կ. Ղաֆազարյան. Նշվ. աշխ., I, էջ 99—100:

¹⁷ Վ. Հարությունյան. Նշվ. աշխ., էջ 80—81: Կ. Ղաֆազարյան. Նշվ. աշխ., I, էջ 106—109:

¹⁸ Դրասխանակերտցի, էջ 64:

Այստեղ խոսքը Կաթողիկե եկեղեցու մասին է և ոչ թե Կաթողիկոսարանի, ինչպես հասկացվել է այս դեպքում: Այս կապակցությամբ Ս. Մնացականյանը մի կարեոր ճշտում է արել, ըստ որի «եկեղեցի կաթողիկոսարանի» և «սուրբ կաթողիկոսարանի» հասկացությունների մեկնությունները պարզաբանվել են¹⁹: Բացի այդ, Կաթողիկե եկեղեցու հյուսիսային կողմում կառուցված պալատը VI դարի կեսերին դեռևս գոյություն չուներ. այն, ինչպես կնկատենք ստորև, կառուցվել է VII դարի սկզբներին, Կաթողիկեի վերջին վերանորոգման շրջանում: Հետևաբար, Յիզտրուզիտի վկայարանը չէր կարող լինել այդ հատվածում և առնչվել միանավ եկեղեցու հետ:

Կաթողիկե եկեղեցու հարավ-արևելյան անկյունում բացվել են կոփածո սուֆ քարերով շարված փոքր շինություն, հիմնապատեր, որոնք, հնարավոր է, կարող են պատկանել հիշյալ վկայարանին:

Դվինի միանավ տաճարը սերտորեն առնչվում է վաղքրիստոնեական նմանատիպ պաշտամունքային կառույցների հետ և չի կարող թվագրվել ավելի ուշ շրջանով: Թվում է, որ բազիլիկը կառուցվել է V դարի վերջում և VI դարի սկզբներին և առնչվում է մարզպան Վահան Մամիկոնյանի շինարարական ծավալուն գործունեության հետ: Այդ մասին հիշատակում են պաամիչները²⁰:

Հովհաննես Դրասխանակերտցին Դվինում հիշատակում է մի այլ եկեղեցի ևս, որը կառուցել է ներսես Տալեցին իր կաթողիկոսության առաջին տարիներին, արաբների կողմից հրդեհված վկայարանի տեղում²¹: Դա Ս. Սարգիս եկեղեցին է, որի մասին հիշատակում են նաև հետագայի հայ պատմիչները և վրաց ժամանակագիրները²²: Խաչիկ վարդապետ Դադյանի հաշվետվության մեջ 1907 թ. Դվինում իր պեղած հուշարձանների թվում հիշատակվում է նաև այդ եկեղեցին²³, Սակայն հետագայում, ո՛չ Յ. Ստրժիգովսկին (1913 թ.) և ո՛չ էլ Դվինի արշավախմբի մասնակիցները (1937 թ.) չեն կարողացել ճշտել այդ եկեղեցու տեղը: Խ. Դադյանի պեղումներից մեզ են հասել երկու խոյակ, իսկ հետագայում՝ մեկ կամարաղեղ, որոնք իրենց մոտիկ նմանություններն ունեն Ջվարթնոցի նյութերում: Կասկածի տակ առնելով Դադյանի կողմից այդ եկեղեցու պեղման փաստը, պահպանված մանրամասներից (հատկապես Ջվարթնոցատիպ կամարաղեղի առկայությունից) կարելի է ենթադրել, որ Ս. Սարգիս եկեղեցին ունեցել է կլոր հատակագծով հորինվածք: Ամենայն հավանականությամբ Ս. Սարգիս եկեղեցին կառուցվել է 640—641 թթ. անմիջապես Դվինը արաբների կողմից առաջին անգամ գրավվելուց հետո, քանի որ այստեղ են ամփոփվել քաղաքի գրավման ժամանակ նահատակված բնակիչների աճյունները: Բացառված չէ, որ այդ եկեղեցու կառուցողական որոշ սկզբունքներ կարող են փոխառված լինել Ջվարթնոցի տաճարի կառուցման ժամանակ:

Դվինի պաշտամունքային հուշարձանների մեջ առանձնակի նշանակություն է ձևաբերում միջնաբերդի գագաթում տեղադրված բազիլիկ շինությունը (աղ. II, 1), որը մինչև այժմ մասնագիտական գրականության մեջ հայտնի էր «Արշակունյաց գահանիստ դահլիճ» անունով: Այս դահլիճը պատմաճարտարապետական մանրազնին քննության է ենթարկել Կարո Ղաֆա-

19 Ս. Խ. Մնացականյան. Դվինի պալատի կառուցման ժամանակի մասին.—«Պատմա-արևմտաօստրական հանդես», 1974, № 2, էջ 213—232:




20 Ղազար Փարպեցի, էջ 158: Սերբոս, էջ 67: Դրասխանակերտցի, էջ 61:

21 Դրասխանակերտցի, էջ 83:

22 Սամուէլի քահանայի Անեցույ Հովաքմունքի գրոց Պատմագրաց. Վաղարշապատ, 1893, էջ 83: Կիրակոս Գանձակեցի. Պատմութիւն Հայոց, աշխատասիրութեամբ Կ. Ա. Մեխր.-Օհանջանեանի. Երևան, 1961, էջ 60: Վարդան Բարձրաբերդցի, էջ 93: Միքայել Ասորի, էջ 64: Տե՛ս նաև Լ. Մելիքսեթ-Բեկ. նշվ. աշխ., էջ 114, 116:

23 «Արարատ» ամսագիր, 1907, էջ 659:

դարյանը, որն այն համարել է հոսորով II Կոտակ թագավորի շինարարական գործունեության արգասիք (IV դարի 30-ական թթ.)²⁴։ Դաշլիճը ուղղանկյուն մեծ սրահ է (28,9×12,5), չորս զույգ սյուներով, որոնցից տեղում պահպանվել է միայն մեկի խարիսխը։ Նա իր ձևով կրկնում է Կաթողիկե եկե-




Աղ. II

ղեցու վաղագույն կառույցի որմնախարիսխներից մեկին։ Պահպանվել են սրահի հիմնապատերը՝ շարված ձեղքված սպիտակ ավազաքարով և կավե շաղախով։ Կավ է պահպանվել կրաշաղախ հատակը, որի կենտրոնում հստակ ուրվագծվում է կիսաշրջան հատակագծով ամբիոնի կամ զահավորակի հետքը (նկ. 1)։

24 Կ. Ղաֆարյան. Նշվ. աշխ., II, էջ 89—96։

1985 թ. կատարել են դահլիճի նոր ու մանրազնին ուսումնասիրություն, որի ժամանակ պարզվել են շատ մանրամասներ՝ կապված նրա ֆունկցիոնալ դերի, ներքին ծավալատարածական հորինվածքի, շինարվեստի, ժամանակագրության և այլ հարցերի հետ: Պեղումների արդյունքը հետևյալն է.



նկ. 1

ա) Բացվել են դահլիճի ութ խարխալներից վեցի հիմքերը, որոնք շարվել են նախորդ շրջանում ավերված մոնումենտալ շինությունների սրբատաշ քարերով: Դրանց վրա նկատելի են ներկի հետքեր և շաղախի մնացորդներ:

բ) Սրահի նախկին վերակազմության (աղ. II, 2, ճարտ. Գր. Քոչոյան) և ներկայումս բացված պատկերի միջև կան զգալի տարբերություններ: Ճշտվել են կողմնային և կենտրոնական նավերի լայնությունները, հետաքար և եռանավի ներքին ծավալատարածական ուսումնասիրությունները:

գ) Բացահայտվել է կառույցի նախնական կավաշեն հատակը և պարզվել, որ կրաշաղախ հատակը վերակառուցման արդյունք է: Հին և նոր հատակների միջև (տարբերությունը՝ մոտ 20 սմ) գտնվել են կղմինդրների բեկորներ, որոնք նախնական շինության փայտաշեն ծածկին են պատկանել:

դ) Պահավորակի և հարավային պատի միջև ընկած տարածքում բացվել են թաղումներ: Նախորդ տարիների պեղումներով այդ մասում գտնվել են նաև թևավոր խաչերի բեկորներ:

ե) Շինությունը կառուցվել է IV դարի 30-ական թթ. հետո, ոչ ուշ, քան նույն դարի վերջը, վերակառուցվել է V—VI դդ. և վերջնականապես ավերվել՝ 640 թ. արաբական արշավանքների ժամանակ:

Ծեր համոզմամբ սյունազարդ սրահը պաշտամունքային կառույց է՝ եռանավ բազիլիկ եկեղեցիների վաղագույն օրինակներից մեկը: Այդ են վկայում հետևյալ փաստերը և դատողությունները.


ա) սրահը առանձին, միայնակ կանգնած կառույց է, և ունի պաշտամունքային կառույցներին հատուկ երկայնական առանցքի արևելք-արևմուտք

կողմնորոշում, որպիսի հանգամանքը բացառում է նրա պալատական համալիր լինելը,

բ) սրահի ներսում կատարված թաղումների փաստը և թևավոր խաչերի առկայությունը,

գ) գահավորակի կամ բեմի առկայությունը սրահի կենտրոնում: Ճիշտ նույն հատակագծով և նույն տեղադրությամբ բեմերը լայն տարածում են ունեցել վաղ քրիստոնեական ասորական միանավ և եռանավ բազիլիկներում (Սինհար՝ IV դարի կես, Քիրքբիզե՝ IV դար, Բրադի Ս. Հուլիանոս եկեղեցի՝ 399—402 թթ., Քֆեիր՝ V դար, Քալբ-լուզե՝ V դարի վերջ և ուրիշներ)²⁵ և ծառայել են կրոնական արարողությունների²⁶ (աղ. II, 3):

Այսպիսով, Դվինի միջնաբերդի եռանավ բազիլիկը հայ քրիստոնեական




Նկ. 2

պաշտամունքային ճարտարապետության եզակի նմուշներից է, հայ-ասորական ճարտարապետական փոխհարաբերությունների արդյունք: Մշակութային, քաղաքական և հոգևոր կապերը Ասորիքի հետ վաղ միջնադարում բավականին զգալի են եղել, որի մասին բազմիցս նշվել է մեր հին պատմագրության մեջ և ժամանակակից ուսումնասիրողների կողմից (Ն. Մառ, Ն. Տոկարսկի, Ա. Ցակոբսոն և ուրիշներ):

²⁵ О Тчаленко. Villages antiques de la Syrie du Nord. Le massif du Béus à l'époque Romaine. II, Paris, 1953, IX, 1, X, 1, XI, 1—3, 6.

²⁶ Н. М. Тожарский. Закономерности в развитии средневековой архитектуры. Л., 1985, с. 35.

ԴՎԻՆԻ ՀԱՅՏՈՒՆԻ է իր աշխարհիկ մոնումենտալ կառույցներով, որոնց թվին է պատկանում Կաթողիկեից հարավ-արմուտք գտնվող պալատը²⁷ (նկ. 2), Նրա հատակագծային հորինվածքի կենտրոնը սյունաղարդ դահլիճն է, որը մուտքերով կապված է բնակելի և տնտեսական կից սենյակների հետ (նկ. 3)։ Կառույցի պատերը շարված են ճեղքված սպիտակ ավազաքարից և ունեն կավե սվաղ։ Հստ պեղումներով կատարված ստույգ շերտագրության, ս.լն հիմնադրվել է V դարի II կեսին, Հնագիտական և մատենագիտական




Նկ. 3

նյութերի համադրությամբ կարելի է վերարտադրել պալատի շուրջ մեկհարյա գոյատևած հստակ պատկերը։ Նրա կառուցումը Կաթողիկե տաճարի մոտ առնչվում է, հավանաբար, կաթողիկոսական կենտրոնը ԴՎԻՆ տեղափոխելու հետ, որ տեղի է ունեցել V դարի 60—70-ական թթ.։ Հետևաբար, կարելի է ենթադրել, որ ներկայացվող պալատը ԴՎԻՆԻ կաթողիկոսարանի նախնական շինությունն է։ Պալատը հետագայում էական փոփոխություններ չի կրել, եթե նկատի չունենանք նրա արևմտյան թևում կրակապաշտական մեհյանի կառուցման փաստը²⁸։ Որոշակի նկատելի է երկու ժամանակաշրջանների միջև հատակների մակարդակների տարբերությունը։ Պալատը ավերվել է հրդեհի հետևանքով և հետագայում ծածկվել ավելի ուշ կառույցների տուֆի տաշվածքից առաջացած թափոնների հաստ շերտով։ Համադրելով պեղումներով բացահայտված այս իրավիճակը գրավոր վկայությունների հետ, կարելի է վերականգնել պատմական հետյալ պատկերը։ 564 թ. ԴՎԻՆում մարզպան է նշանակվում ազգությամբ պարսիկ Սուրեն անունով մի անձնավորություն, որը հայտնի էր նաև իր կրոնական անհանդուրժողականությամբ։ Պարսիկները խլում են պալատը կաթողիկոսից և վերածում պարսից պաշտոնյայի նստոցի՝ նրա արևմտյան մասում կառուցելով մեհյան, 572 թ. ապստամբության ժամանակ հայերը Վարդան Մամիկոնյանի գլխավորությամբ հարձակվում են ԴՎԻՆԻ վրա և քանդում մեհյանը, այրելով նաև պալատը։ VII դարի սկզբում, երբ վերակառուցվում է պարսիկների կողմից քանդված Կաթողիկեն, նոր պալատ է կառուցվում եկեղեցուց հյուսիս, իսկ հինը որպես պղծված վայր լքվում է։ Նոր պալատը պեղվել է 1937—1938 թթ. և մանրամասն ուսումնասիրվել ու հրատարակվել բազմիցս (Վ. Հարություն-

27 Арам Калантарян. Новые материалы о дворцах правнесредневековой Армении. Доклад на II между. симпозиуме по арм. искусству. Ереван, 1978.

28 Արամ Քալանթարյան. ԴՎԻՆԻ 1980 թ. պեղումների հիմնական արդյունքները. «Էրասեր հասարակական գիտությունների», 1982, № 12, էջ 92—93:

յան, Կ. Ղաֆադարյան, Ն. Տոկարսկի, Հ. Խալիփախյան, Ս. Մնացականյան և այլք)։ Տիրապետող է եղել այն կարծիքը, որ պալատն ունեցել է կենտրոնական ուղղանկյուն սյունազարդ դահլիճ՝ 4 զույգ սյուներով, որոնք ավարտվել են արմավենազարդ խոյակներով, իսկ դահլիճի հյուսիսային և հարավային մասերում եղել են հինգական սենյակներ (աղ. III, 1)։ 1987 թ. հուլարձանի բարեկարգման և կոնսերվացման նախագծային աշխատանքների կապակցությամբ կատարված լրացուցիչ պեղումները նոր նյութեր ընձեռեցին պալատի հատակագծի և ծավալատարածական կառուցվածքի վերաբերյալ։ Ստույգ պարզվել է, որ կենտրոնական դահլիճը ոչ թե ուղղանկյուն սրահ




Աղ. III

է եղել, այլ ունեցել է խաչաձև հատակագիծ (աղ. III, 2, նկ. 4), նորույթ է ընդհանրապես հայկական պալատական կառուցվածքների համար։ Հետագայում պալատը կրել է հատակագծային և ծավալատարածական վերափոխումներ, որոնք դեռևս ուսումնասիրման ընթացքում են և կհրատարակվեն առանձին (աղ. III, 3)։

Պալատի թվագրման հարցում կան հակասական կարծիքներ. Կ. Ղաֆադարյանը, Վ. Հարությունյանը, Հ. Խալիփախյանը և ուրիշներ այն համարում են V—VI դդ. կառույց, առաջին հերթին այն կապելով վաղ վկայությունների և կաթողիկոսարանը Դվին տեղափոխելու փաստի հետ²⁹։ Ն. Տոկարսկին, որը

²⁹ Կ. Ղաֆադարյան, Նշվ. աշխ., I, էջ 118; Վ. Հարությունյան, Նշվ. աշխ.,

տալիս է սևր կարծիքով անհամոզիչ վերակազմություն և չի ընդունում այն կաթողիկոսարան լինելու փաստը, հուշարձանը թվագրում է VII դարով՝ ելնելով նարտարապետական հարդարանքի բնույթից և Արուճի պալատի հետ հենցած նրա նմանությունից³⁰։ Դվինի պալատը VII դարով է թվագրում նաև



նկ. 4

Ս. Մնացականյանը։ Նա գտնում է, որ այն արարների կողմից քանդվելուց հետո վերակառուցել է 643—648 թթ. Ներսես Տալեցին³¹։ Մեր համոզմամբ, պալատը հիմնադրվել է Կաթողիկեի վերականգնման ժամանակ VII դարի առաջին երկու տասնամյակների ընթացքում։ Այս եզրակացության համար հիմք են ծառայում նաև հնագիտական հետևյալ դիտողություններն ու փաստարկները.

1. Պալատի հյուսիս-արելյան մասում կատարված հետախուզական պեղումները բացահայտել են տնտեսական ինչ-որ շինության մնացորդներ՝ V—VI դդ. բնորոշ կարասների շարքով, որոնցից մեկի խուփի վրա փորագրված էր «Գրիգոր» անունը։ Պալատի պատերը կառուցվել են ավելի ուշ և դրվել են անմիջապես այդ շինության ավերակների վրա։

2. Դվինի IV—V դդ. շինությունները կառուցված են գերազանցապես սպիտակ ավազաքարով։ VI դարից և հատկապես VII դարում զանգվածաբար


էջ 57—58; Օ. Խ. Խալպախչյան. Указ. соч., с. 93; Марио Д'Онофрियो. Несколько армянских дворцов V—VII веков. Доклад на II межл. симпозиуме по арм. искусству. Ереван, 1978, с. 5:

30 Н. М. Токареский. Указ. соч., с 61.

31 Ս. Խ. Մնացականյան. նշվ. աշխ., էջ 222—225, 1937—39 թթ., Դվինի արշավախմբի պետ Ս. Վ. Տեր-Ավետիսյանի ուղղակի նշում է, որ «Կաթողիկոսի տունը... մի քանի տվյալներով պատկանում է VII դարի առաջին կեսին»։ Տե՛ս Ս. Վ. Թեր-Ավետիսյան. Двѣ, егѡ исторія и раскопки в 1937—1939 гг. Ереван, 1939. (рукопись) Архив ГИМА, № 29, с 10:

օգտագործվում է բազմերանգ տուֆը: Այդ օրինաչափությունը պարզորոշ երևում է Կաթողիկե տաճարի վրա: Այստեղ VII դարում ավազաքարը փոխարինվել է նույն տուֆով, ինչ հանդիպում է կաթողիկոսական պալատում:

3. VII դարում վերականգնված եկեղեցու քարերի վրա հանդիպող վարպետի նշանները կրկնվում են նաև պալատի արևմտյան մուտքի շարվածքի վրա, որը ապացույց է այն բանի, որ դրանք կառուցել են միևնույն վարպետները: Ընդհանրապես, վարպետի նշանները ավելի վաղ կառուցներում իսպառ բացակայում են և միայն VI դարի կեսից են ստանում լայն տարածում:



Նկ. 5

Դվինում, բացի վերոհիշյալ հուշարձաններից, բացվել են վաղմիջնադարյան այլ մոնումենտալ կառույցներ: Դրանց թվում կարելի է հիշատակել քաղաքի տարածքում գտնվող 36 սյուններով կառույցը, որը եղել է հավանաբար, քաղաքի գլխավոր շուկան³²:

Վերջին տարիներս Դվինի միջնաբերդի հարավային պարսպի աշտարակներից մեկի մոտ, ներսի կողմից նրան կից, բացվում է կրաշաղախ պատերով

32 Կ. Ղաֆադարյան, Նշվ. աշխ., I, էջ 106—108, Նկ. 84—85:

և կրածնի սվադով մի սեփ շինությունը նրա 2,5 մ հաստությամբ պատերի պահպանված մասերի բարձրությունը անցնում է 5,0 մետրից: Ըստ շերտագրական ուսումնասիրությունների ևն, հավանաբար, կառուցվել է V—VI դդ., ունեցել է վերակառուցման երեք փուլ և վերջնականապես ավերվել է XI դարում (նկ. 5):

Դվինի վաղմիջնադարյան սոնումենտալ կառույցների մեծ ներկայացրած ժամանակագրությունը և մեկնաբանությունները, որ հիմնավորված են հնադիտական և մատենագրական նյութերի համադրությամբ, կարող են լրացվել և ճշգրտվել ապագա պեղումների րնթացքում:

НЕКОТОРЫЕ ВОПРОСЫ ХРОНОЛОГИИ РАННЕСРЕДНЕВЕКОВОЙ МОНУМЕНТАЛЬНОЙ АРХИТЕКТУРЫ ДВИНА

А. А. КАЛАНТАРЯН, К. К. КАФАДАРЯН

Резюме

Дл. исследования раннесредневековой архитектуры Армении особое значение имеют культовые и гражданские монументальные постройки Двина—столицы, крупного административного, хозяйственного и культового центра страны. В статье по итогам раскопок и наблюдений последних лет заново интерпретируется и датируется ряд памятников. 1. Кафедральный собор, построен в IV—V вв. Первоначально он был трехнефной базиликой, в 70—80-х гг. V в. перестроен, сделана внешняя галерея, в нач. VII в. при новой реконструкции превратился в центрально-купольное сооружение. Здание разрушилось во время землетрясения 849 г. 2. Однонефная базилика, построена в V в. 3. Трехнефная базилика IV в. в цитадели. Первоначально считалась тронным залом Аршакидов. В V—VI вв. церковь претерпела ряд изменений. Выявленные раскопками новые материалы позволяют предложить существенно новую реконструкцию здания. 4. Дворец католикоса V в., построен в 70—80-х гг., уничтожен в 571/72 г. 5. Дворец католикоса VII в., построен во время последней перестройки кафедрального собора. Раскопки 1987 г. показали, что дворец первоначально имел крестообразный зал с четырьмя угловыми комнатами. В последующие века дворец претерпел ряд изменений, которые четко прослеживаются на памятнике. 6. В цитадели, в районе южной башни крепостной стены, раскапывается монументальное раннесредневековое сооружение.